

que, & M. Agrippam, qui Augusti Imperio summam rerum gessit, Arpinates fuisse. Vespasianum etiam, ejusque filios, Titum, & Domitianum, Imperatores, quis nesciat fuisse Reatinos? Et tamen Reatem inter Præfecturas adnumeratam vidimus. Quis ergo sciolus homo dicat, Brutiis, qui ex Præfecturis non fuerunt, militiæ honorem fuisse prohibitum, qui interdictus sane non fuit hominibus pluribus, qui Præfecturarum urbium inccclæ dicebantur?

§. XII.

*Post Hannibalis defectionem Viri Brutii
in Romana Republica militia,
& magistratus, laude
decori.*

Alterum est, quod videamus, Brutios scilicet Viros, post discessum Hannibalis ab Italia, militia, & magistratus, honores obtinuisse, non semel quidem, ac iterum; ut vere conspiciatur, tantum abfuisse, quod Brutii pœnam a Romanis receperint, ob defectionem ad Hannibalem, ut potius præmia, ob fidei constantiam erga Rempublicam, obtinuerint. Quod si hoc nobis contigerit ostendere, quis erit sanæ mentis homo, qui amplius contendet, commentum fuisse illud A. Gellii, absque examine a posterioribus scribentibus exscriptum, quo Brutii per vulgarium hominum ora traducuntur? Non enim stare unquam poterit, ut uno eodenque tempore Brutii, tanquam infideles a Romanis puniantur, ut Licetorum, Tortorumque, officium obeant, & veluti Romanæ Reipublicæ